

ASSUNTU NEBÉ PRESIJA ATENSAUN

Total Insidentes ne'ebé relata

Distritu	Outubru	Novembru
Lautem	2	2
Covalima	2	1
Dili	13	20
Viqueque	5	6
Aileu	3	7
Ainaru	9	6
Ermera	4	2
Baucau	6	5
Manatutu	4	4
Manufahi	6	8
Oe-cusse	2	3
Liquiça	5	8
Bobonaru	3	5
Total	64	77

Ho pursentu 20 insidentes ne'ebé aumenta tuir relatoriu entre fulan Outubru no Novembru, sai modelu ba historia kresementu violensia ne'ebé sei kontinua mosu iha distritu barak durante tempu festeja.

TENDENSIA KONFLITU

Joven-Relata Violensia

Insidente ne'ebé involve joven: 19; insidente ne'ebé involve Arte Marsiais: 2



Dialogu Joven, Sub-distritu Remexio, implemeta husi Rede Prevensaun no Responde ba Konflitu (RPRK), fasilita husi Ministeriu Solidaridade e Sosial (MSS) Departementu Hari'i Paz no Kohezaun Sosial. Apoiu MSS, UNDP no Belun, Nov 2011 (bele hare detalhus iha pagina 3).

Distritu balun dala ida tan esperensia insidente violensia entre grupu joven sira inklui mos insidente barak liu ne'ebé mosu tanba alkol. Iha indikasaun ka evidensia mosu provokasaun iha nivel suku no bairu ne'ebé mosu iha tempu festa sira no kompetisaun bola iha postu ruma, no mos disputa hirak ne'ebé iha relasaun entre joven no akuzasaun naok sasan husi grupu joven lokal sira husi aldeia seluk.

Sinal pozitivu liu mak insidente ne'ebé involve grupu arte marsiais la hatudu sinal iha kresementu ho derepente, iha de'it insidentes rua ne'ebé rejistu iha fulan Novembru. Buat hirak ne'e tanba mosu problema entre grupu rivaál sira. Iha Fatuhada problema hirak ne'e seidauk resolve nafatin; maibe lideransa grupu arte marsiais sira iha distritu Manufahi bele maneija tiha ona lalais liafuan amiasa no agresaun, atu hases husi eskalasaun insidentes ne'ebé sei bele kontinua.



ASSUNTU NE'EBÉ PRESIJA ATENSAUN

Preokupasaun PNTL iha Seguransa



Preokupasaun particular iha fulan ida ne'e maka insidente tolu ne'ebé implika membrus PNTL iha insidente violensia sira.

Kazu primeiru maka joven fetu ida hetan iha insidente tiru malu entre polisia PNTL nain rua iha festa aniversariu iha Bobonaro. Pesoal nain rua ne'e hetan kapturasaun kedas no kastigu ona iha komarka Becora.

Iha suku Dare insidente rua mosu ba dahuluk, polisia nain rua fizikamente asalta ema nain ha'at ne'ebé halo viajen ba Aileu, iha relatoriu vitima nain ha'at ne'e hetan kanek ki'ik. Iha kazu daruak nian, membru PNTL ida akuza mestri lokal ida pratika buan no kontinua baku mestri ne'e ho nia helm. Vitima ne'e sofre kanek ki'ik iha nia liman no ulun.

Kazu rua ne'e oras ne'e Unidade Investigasaun Polisia Nasional halo hela revisaun no nia rezultadu maka sei lori ba to'o iha Prokurador-Jeral nia meza.

TENDENSIA KONFLITU

Insidente Relasiona ho Alkol

Hanesan hateten uluk tiha ona, distritu sira iha nasaun ne'e nia laran esperiensia ona ho violensia ne'ebé aumenta tanba joven konsume alkol barak liu, inklui insidente tolu iha Liquiça, sub-distritu Bazartete no kazu ida iha distritu Bobanaro, sub-distritu Maliana Vila.

Insidente iha sub-distritu Maliana Vila mosu iha loron Santa Cruz wainhira joven hirak ne'ebé lanu todan lao ba iha simeteriu baku malu ho grupu juventude seluk ne'ebé halimar tebe bola. Joven sira ne'ebé lanu todan hetan tahan husi membru F-FDTL ne'ebé responde ho atuasaun ida ne'ebé la apropriadu no rejulta joven ida hetan kanek kiik. Koordinator lokal CNJTL fo assistensia hodi resolve situasaun ne'e, maibe joven ida ne'ebé kanek sei hakarak lori kazu ne'e ba iha polisia.

Krime Ne'ebé Iha Investigasaun

Investigasaun Mate: Insidente tolu separadu ne'ebé rejulta ema mate oras ne'e iha hela investigasaun komesa iha fulan Novembru. Dahuluk maka estudante ne'ebé hetan mate iha dalan Manleuana besik ba Instituto Teknolojia Dili (DIT) ne'ebé sofre kanek todan iha ulun. Ba daruak iha tempu ne'e hanesan deskobre hetan matebian membru F-FDTL ne'ebé mate iha tasi Metiaut. Insidente final maka suspeitu ba kazu omesidu (oho) ema nain rua iha 'Beach Garden' Hotel, no suspeitu nain rua hetan ona alegadu husi polisia atu halo interogasaun.

Krimes seluk: Insidente rua mos mosu iha sub-distritu Viqueque Vila, suku Carauballu. Kazu rua ne'e, sei iha investigasaun polisia nian ne'e involve uluk asaltu ne'ebé diskonesidu tuda biskota no rejulta vidru sira nakfera – to'o agora laiha relatoriu kona-ba ema kanek. Iha kazu daruak nian tuda uma ida ne'ebé kria disturbansia ho uma nain.

Insidente rua mos mosu iha Liquiça, sub-distritu Bazartete. Tuir obrsevasaun membru komuinidade lokal sira sunu uma pendeta ida ne'ebé foin mak fila to rai-motivu husi insidente ne'e seidak klaru. Insidente daruak involve kazu tentativu asaltu violensia sexual ba joven fetu husi joven mane. Maske kazu ne'e relata tiha ona ba polisia, maibe ema ne'ebé ataka kontinua provoka vitima nia familia, inklui tentativu ne'ebé falla hodi hakaneke nia maun ho veikula.

ASSUNTU NE'EBÉ PRESIJA ATENSAUN

Politikamente-Violensia Kobradu

Partidu Democrático foin lalais ne'e hala'o nia enkontru regular ba Kongrasu iha distritu Covalima, sub-distritu Zumalai, durante, grupu hirak husi comunidade loka halo a'at jerador no material no bandeira partidu-nian. Polisia hetan tiha ona informasaun, maibe seidauk foti asaun.

Iha sub-distritu Alas, xefe Suku la autoriza ba joven sira atu halo festa kongresu nian iha kalan tanba ezame eskola nian atraza tiha. Nune'e joven sira tuda Xefe Suku ho fatuk no rezulta xefe suku nia oin hetan kanek kiik.

Iha Suku Bairopite Bairopite, disputa entre bloku oposisaun ASDT sei kontinua, no bloku ne'ebé lider husi Francisco Xavier Amaral halo alegasaun ne'ebé halo demonstrasaun iha kantor foun ne'ebé loke husi bloku seluk tamba nia claim katak ladun hetan apoiu ka rekonesimentu husi Partidu ASDT ne'ebé ofisial. Disputa ne'e apresenta ba Tribunal de Rekursu atu hetan resolusaun.

Disputa Rai

Disputa rai sei sai hanesan fator fundamentu iha numeru insidente iha nasaun ne'e nia laran ne'ebé kazu ne'en seidauk resolve disputa mosu entre familia lokal no sira nia rekerimentu ba rai iha parte rua agrikultura no residencia.

RESPONDE BA KONFLITU

Problema fronteira sei kontinua ho Indonesia

Dialogu entre suku Abani iha sub-distritu Passabe no suku Sunkaen iha Indonesia halao iha November 19, hodi resolve konfliktu hakat ba fronteira ne'ebé mosu iha inisiu fulan ida ne'e. Diskusaun fokus ba ai-horis no materia ne'ebé uza ba moris domestika nian ne'ebé uza la tuir regra iha area fronteira komunida lokal Indonesia nia fiar katak atu bele sai hanesan hakarak ida agora ne'e seidauk bele resolve. Justisa tradisional uza tiha ona hanesan baze ba rosolusaun foti hanesan respeita ne'ebé hala'o ona iha fronteira tuir konkordansia international entere nasaun ruan ne'e. no ne'e hetan suporta husi komandante zeral, PNTL, ne'ebé husu atu halo mapa ilustrasaun konaba fronteira ne'ebé hetan hotu ona, hodi bele fahe ba comunidade rua ne'e.

Prevensaun ba konfliktu iha comunidade

Rede prevensaun no responde ba konfliktu (RPRK), suporta husi Belun, fasilita seminariu iha Lautem Vila no Maubisse kona-ba prevensaun violensia iha eleisaun. No mos, iha etapa dahuluk husi presesu rekonsiliausaun entre suku sira, seminariu ida mos hala'o iha sub-distritu Suai Vila entre suku Labarai no suku Belekasak hodi hametin paz entre joven no grupu arte marsial sira.. Dialogu ida ne'ebé lao iha fulan Outubru atu resolve konfliktu konaba asesu ba bé entre aldeia rua iha sub-distritu Remexio no sub-distritu Cristo Rei reforsa iha Novembru ho tara bandu fasilita husi RPRK no Ministeriu Solidaridade Sosial (MSS) Departementu Harii Paz no Kohezaun Sosial, apoiu fundus husi MSS, UNDP no Belun.

Eventu Nasional Harii Dame

Centru Estudu ba Paz no Dezenvolvimentu (CEPAD) no Catholic Relief Services (CRS) organizaun rua ne'e halao eventu harii dame iha Novembru. Forum CEPAD nian fokus iha sira nia relatoriu ikus 'valoriza sakrifisiu kolektivu indenpendensia: lori interese nasional ba oin, iha Timor-Leste', iha tempu hanesan CRS organiza kompetisaun dansa DAHUR entre 22 aldeia husi suku neen iha Dili.

REVISAUN KONA-BA SITUASAUN NE'E

Revisaun situasaun ne'e relata kona-ba assuntu xave relasiona ho insidente violensia no tendensia husi koleksaun data emerzencia liu husi sistema Early Warning, Early Response (EWER)-Timor-Leste durante Novembru 2011. Belun esforsu atu fahe informasaun ne'ebé up-to-date no serteza. Hanoin katak situasaun bele hetan mudansa ho lalais, ami agradese no simu informasaun seluk ne'ebé bele klarifika ka update data ne'ebé ami iha liu husi EWER. Favor email EWER nia Program Manager Bylah Da Costa: bylah.belun@gmail.com.
Imajen © Jennifer Hill, Belun, 2011